

Broj: 06-03-470-08/32/18
Mostar, 27.08.2018. godine

Na osnovu člana 21., člana 37., člana 42., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18. Pravilnika za izdavanje dozvola („Službene novine Federacije BiH“ broj 2/17), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), člana 4. stav (1), člana 5. i člana 8. Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17, 59/17 i 49/18), postupajući po Zahtjevu za obnovu dozvole za rad za proizvodnju električne energije broj 06-03-470/32/18 od 20.04.2018. godine, podnosioca zahtjeva SOLIK d.o.o., iz Prozora-Rame, Splitska bb., Prozor-Rama, Regulatorna komisija za energiju u Federaciji Bosne i Hercegovine – FERK je dana 27.08.2018. godine na XIV redovnoj sjednici donijela sljedeće

RJEŠENJE

1. Izdaje se Dozvola za rad za proizvodnju električne energije podnosiocu zahtjeva SOLIK d.o.o., iz Prozora-Rame.
2. Utvrđuje se SOLIK d.o.o., iz Prozora-Rame, status kvalifikovanog proizvođača u objektu solarna fotonaponska elektrana „PROZOR“ u periodu važenja dozvole iz tačke 3. ovog rješenja.
3. Dozvola za rad izdaje se na period od 27.08.2018. godine do 26.08.2028. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tački 1. i 3. ovog rješenja.
5. Imalac dozvole je obavezan plaćati regulatornu naknadu u periodu važenja dozvole na način i u iznosu koji utvrdi FERK posebnom odlukom.
6. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 20.04.2018. godine FERK je od podnosioca SOLIK d.o.o., iz Prozora-Rame pod brojem 06-03-470/32/18, primio Zahtjev za obnovu dozvole za rad za proizvodnju električne energije.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni

Regulatorna komisija za energiju u Federaciji Bosne i Hercegovine – FERK

Blajburških žrtava 33, 88000 Mostar

Tel. /036/ 44 99 00, /036/ 44 99 01; Fax: /036/ 333-507, /036/ 333-508

kontakt@ferk.ba www.ferk.ba

1

zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za obnovu dozvole za rad za proizvodnju električne energije broj 06-03-470-01/32/18 od 18.05.2018. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja.

Postupajući po obavještenju, podnositelj zahtjeva je dostavio dopis primljen u FERK 05.06.2018. godine pod brojem 06-03-470-02/32/18, dopis primljen u FERK 11.06.2018. godine pod brojem 06-03-470-03/32/18, uz koje je dostavio dio tražene dokumentacije i obrazloženja. U cilju potpunog kompletiranja dostavljene dokumentacije, vezano za ugovor o koncesiji, propisan članom 7. stav (1) tačka n) alineja 2) Zakona o koncesijama Hercegovačko-neretvanskog kantona („Službene novine HNŽ/K“ broj 1/13 i 7/16) u slučaju postrojenja za pretvaranje energije sunca u električnu energiju instalisane snage od 23,1 kW do 5 MW, a imajući u vidu da je podnositelj SOLIK d.o.o., iz Prozora-Rame dostavio dopis „Zahtjev – prijedlog za dodjelu koncesije“ od 30.05.2018. godine, iz koga je vidljivo da je isti primljen kod Ministarstva privrede Hercegovačko-neretvanskog kantona dana 30.05.2018. godine, FERK se obratio nadležnom Ministarstvu dopisom broj 06-03-470-04/32/18 od 22.06.2018. godine kojim je zatražio informaciju da li je SOLIK d.o.o., iz Prozora-Rame upotpunio zahtjev za dodjelu koncesije, te da li je procedura izdavanja koncesije u toku. Povodom gore navedenog obavještenja, podnositelj zahtjeva je dostavio i dopis primljen u FERK 21.06.2018. godine pod brojem 06-03-470-05/32/18, uz koje je dostavio dio dokumentacije i obrazloženja. Dalje, Ministarstvo je dostavilo dopis primljen u FERK dana 26.06.2018. godine pod brojem 06-03-470-06/32/18 kojim je FERK obaviješten da je SOLIK d.o.o., iz Prozora-Rame podnijelo prijedlog za dodjelu koncesije i da je postupak u toku. Na osnovu dokumentacije i obrazloženja dostavljenih od podnosioca zahtjeva i Ministarstva FERK je utvrdio da je zahtjev podnosioca SOLIK d.o.o., iz Prozora-Rame potpun i da su se stekli uslovi za objavu obavještenju za javnost o nacrtu dozvole, uz obavezu da se SOLIK d.o.o., iz Prozora-Rame u uslovima dozvole propiše obaveza zaključivanja ugovora o koncesiji u skladu sa zakonskim propisima kojima je uređena odnosna oblast, da isti ne bi trpio štetne posljedice trajanja tog postupka.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za rad za proizvodnju električne energije po zahtjevu broj 06-03-470/32/18 od 20.04.2018. godine, podnosioca SOLIK d.o.o., iz Prozora-Rame. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-470-07/32/18 od 17.07.2018. godine usvojio Nacrt dozvole za rad za proizvodnju električne energije, te Obavještenje za javnost o opštoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu, u periodu od 18.07. do 31.07.2018. godine do 10:00 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost podnijeti zahtjev za sticanje statusa umješaca na

adresu FERK-a ili na elektronsku adresu, u periodu od 18.07. do 31.07.2018. godine do 10:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješača, odnosno do 31.07.2018. godine do 10:00 sati, u FERK nisu primljeni pisani komentari na Nacrt dozvole za rad za proizvodnju električne energije, niti je primljen zahtjev za sticanje statusa umješača.

Dalje, članom 4. i članom 5. Pravilnika o metodologiji i načinu obračuna regulatornih naknada za imaoce dozvola propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 8. istog pravilnika propisan je način utvrđivanja regulatornih naknada za imaoce dozvola za obavljanje elektroprivrednih djelatnosti, odnosno način donošenja rješenja kojim se utvrđuje pojedinačni iznos godišnje regulatorne naknade za svakog imaoca dozvole. O obavezi plaćanja regulatorne naknade imaoцу dozvole će se ispostaviti obavještenje.

Na osnovu obrade Zahtjeva za obnovu dozvole za rad za proizvodnju električne energije podnosioca SOLIK d.o.o., iz Prozora-Rame i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad za proizvodnju električne energije i za sticanje statusa kvalifikovanog proizvođača u skladu sa Zakonom o električnoj energiji u Federaciji Bosne i Hercegovine i Zakonom o korištenju obnovljivih izvora energije i efikasnu kogeneracije, te Pravilnikom za izdavanje dozvola i Pravilniku o sticanju statusa kvalifikovanog proizvođača električne energije.

Na osnovu navedenog, u dozvoli koja je predmet ovog rješenja podnosiocu zahtjeva postavljeni su, u skladu sa članom 26. i članom 27. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu SOLIK d.o.o., iz Prozora-Rame da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Jasmin Bešo

Dostaviti:

- SOLIK d.o.o., iz Prozora-Rame
- Operator za OIEiEK
- Kancelariji sekretara FERK-a
- Sektoru za pravne poslove
- Sektoru za tehničke poslove i licence
- Sektoru za tarife i tržište
- Sektoru zajedničkih poslova
- Sektoru za finansije
- oglasna tabla
- a/a